

壹、聽力測驗

第一部分：選擇題—對話推論（每題5分，共25分）

{ 說明 } 每一題為2位族人來回2次之族語對話，依據對話內容推論後，從4個文字選項中選擇適當答案。

ina: muruma' u lra! kumuda di muruma' u ulra kemani kana ,
aremeng Sunay?

題目
(音檔)

Sunay: sadu dadu na vangavangan i kungkuwan.

ina: masalr lra, nu ka'aremeng u muruma' mu, padingwa diya
pakadalram, kinger u?

Sunay: ai, madalram ku lra, ina, nu masalr lra adi ku lra
kalaalup padingwa muruma'.

1-1

題幹
(音檔)

kemay kannu kiningeran tu pinadayaran mu, mau na i iyan na
penauwa?

- (1) 'aremeng lra muruma' lra i Sunay.
- (2) padadingwa harem i Sunay.
- (3) ulra lra i dadalan i Sunay.
- (4) dika piya tu kiyakarunan i Sunay.

Saya: Sunay, nu maremay muruma' u kemay kungkuwan mu,
yawa u i iyan?

題目
(音檔)

Sunay: yawa ku i lrevek mulikapa. yawa u?

Saya: adi, yawa ku semenaya.

Sunay: kuwaceng ku anger, nu masalr lra, marelrange ta lra
mukuwa.

1-2

題幹
(音檔)

kemay kannu kiningeran tu pinadayaran mu, mau na i iyan na
penauwa?

- (1) yawa i lrevek i Sunay.
- (2) maranger mukuwa pavekasa i Sunay.
- (3) yawa semenaya harem i Sunay.
- (4) semangal i Sunay.

	題目 (音檔)	Uteng: Toyo, yawa u i Taihok nu 'emana? Toyo: ai! karahan ku nu 'emana semavalr. Uteng: kapaecev na 'udalr nu 'emana semavalr. ikalaalup misuku. Toyo: 'a'udalr diyamaw?
1-3	題幹 (音檔)	kemay kannu kiningeran na pinadayaran mu, mau na i iyan na penauwa? (1) adi masaru da 'a'udalr i Toyo. (2) kadadika alrupe' nu 'emana i Toyo. (3) adi lra yawa i Tayhok nu 'emana i Toyo. (4) malalup minada da suku i Toyo.
	題目 (音檔)	Saya: Ahun, macangis da eman i Sani? Ahun: alra minacay i mulri na ma'inay. Saya: man kemadu diyamaw? pakunamun lra minacay? Ahun: pa'eceng lra kuwaleng i mulri, palus minacay kantu kinalrupe'an.
1-4	題幹 (音檔)	kemay kannu kiningeran na pinadayaran mu, mau na i iyan na penauwa? (1) minacay kana kuwalengan i temuwantaw ni Sani. (2) minacay kana alrupe' i temuwantaw ni Sani. (3) melri nu saruma'enan na Sani di Ahun. (4) macangis kana mulremes i temuwantaw na ma'inay ni Sani.
	題目 (音檔)	Sunay: Palri, patalram u lra mekan kana pina'uri da dawa na maderu? Simuy: semalem mi da saeman, aymu mau na tinukakucain. Sunay: salaw mieyo na dawa, ta pukasayaw demeru da meraw mu, kirpauwa mekan na dawdawan! Simuy: alra demeruwa ku diya kana tinumeraw na dawa pakan kani mulri na vavayan harem kana wari.
1-5	題幹 (音檔)	kemay kannu kiningeran na pinadayaran mu, mau na i iyan na penauwa? (1) tu tukucayaw na dawa peniya i Palri.

- (2) madalram da 'inava kanta dadek na dawa i Palri.
- (3) manadam lra mekan kana tinumeraw na dawa i Palri.
- (4) panadam lra kani temuwantaw na vavayan demeru da tinumeraw na dawa i Palri.

第二部分：題組選擇題—短文推論（每題5分，共25分）

[說明] 聽完約50詞短文後，回答2-3題題組。根據短文內容推論，每題從4個文字選項中選擇適當答案。

**題目
(音檔)**

nu pacepa 'emunin di adi lra ma'a'udalr mu, kani Taiwan na pa'a'udalr na mauwan mu, puremararesan ta kakuwayanan. markauniyan lra ini na kakuwayanan, mawmau na dawdawan na madalram diya.
adiyu diya nu pacepa 'emunin na muwa'uma, ma'a'air tu sinaleman di, na ayawan (temararamaw) lra mu, kemedeng pilralrang kana dinkalranan mukuwa i dinanuman pa'udalra.

**題幹
(音檔)**

kemay kananu kiningeran mu, mau na i iyan na penauwa?

- 2-1
- (1) kemedeng mukuwa pa'udalra na ayawan (temararamaw).
(2) adi lra madalram da pa'udalran na dawdawan harem.
(3) madalram lra pa'udalran na vangesaran harem.
(4) kaduwan na pa'a'udalr kani Taiwan harem.

**題幹
(音檔)**

kemay kananu kiningeran tu pauwayan mu, aeman tu rinarengay ini na vinavalrayan?

- 2-2
- (1) pa'udalr ta nu 'emunin na wari.
(2) maruwa ta mitulus kanta anger pa'udalr.
(3) tu kakuwayanan na kapalisilisi nu pa'a'udalr.
(4) tu piniemanan nu pa'a'udalr.

		<p>tu ruma' na tinareawac na Pinuyumayan, mau na kawi di kawayan na pinarahan.. ta ina'uwan na turaturak mu, maresadu na pangapang(紅檉木), di 'ecum(烏心石木), di dalines(九芎樹). alra nani na kawi mu, mau na patedelr di na areked na vacang.</p> <p>na sa'uv mu, mau na ravun, adi mu mau na vasikaw. nu pararahan da ruma', kemay makalusu palru kana piya puvarat.(52)</p>
	題幹 (音檔)	kemay kananu kiningeran tu pauwayan mu, aeman tu rinarengay?
2-3	(1)	tu pinarahan na tinareawac na ruma' kana Pinuyumayan.
	(2)	tu pinungadan na kawikawi kana Pinuyumayan.
	(3)	tu pinungadan na calunan kana Pinuyumayan.
	(4)	tu pinarahan tu ruma' na sa'uv kana Pinuyumayan.
	題幹 (音檔)	kemay kannu kiningeran mu, mau na i iyan na penauwa?
2-4	(1)	na Pinuyumayan tu ruma' na tinareawac tu turak mu, salaw patedelr.
	(2)	na Pinuyumayan tu ruma' na tinareawac tu sa'uv mu, sina'uvan kana kawi.
	(3)	na Pinuyumayan tu ruma' na tinareawac mu, pungaway diya sema'uv nu pararahan.
	(4)	na Pinuyumayan tu ruma' na tinareawac mu, adi semasa'uv da ravun.
	題幹 (音檔)	kemay kannu kiningeran mu, mau na i iyan na pamelri?
2-5	(1)	maruwa ta temuturak kana katawa.
	(2)	maruwa ta temuturak kana dalines.
	(3)	maruwa ta temuturak kana 'ecum.
	(4)	maruwa ta temuturak kana pangapang.